




八述奇

卷之七



Centimetres
TIPPEN Color Control Patches
© The Tiffen Company, 2007

八迷奇卷七

鐵嶺張德彝在初隨筆潘士魁校



光緒二十九年五月初十日甲子陰晴不定仍涼英蘭

西南界代萬晒府人尤信鬼怪并有歌云小鬼小怪小


無賴無須尺布即能蓋此歌肇於府之楚得里甫却因

山谷有洞曰幽靈凡經其地者必擲一鍼或手帕于水

以求福若得蓋鬼帕下則獲福無極彼處迷信頗多

有異於我國者且有甚於我國者昔有農夫無力雇人

自行刈穀久遂倦而卧地睡覺見穀皆為鬼代勞刈畢



又作事誤或多梗迕皆誣之凶鬼如晨起見馬茶然則謂夜被鬼騎行人失路則謂被小鬼所惑故欲無擾者必每當日暮度鬼在處列啤酒數杯及麩包乳餅各物些須以禳之數年前有韋艾者暮出門久不歸據堪衛城人云是必為鬼馬所引夜遊四方矣

十一日乙丑晴申止格林尼天文臺東約一往地居倫敦坤方約距使館二十五里未正乘車過西敏斯得橋走賢卓志街新推舟路舊推舟路新十字路逾小河入深林登山至入內壁東先登舊臺臺式與德國同

由千里鏡望金星如一黃色半圓下橫寬約二寸上圓徑長約三寸上此鏡鐵梯兩層合五十餘級出此登旁之小臺履木梯六十六級臺築小山巔四曠各景軒豁呈露且天朗氣清兩日如洗樓房花木河水舟艇一一可數遊者約五六十人下各奉勺勺臘一杯小食少許食畢天文生某甲引行半里餘至新臺臺八年前築成者較舊臺高大宏敞千里鏡亦長臺作圓形下面四圍分間乃諸生用功辦事處列有照成所見各星形式又有大片橫寬尺半縱長一尺者數十頁每頁僅星點少

許蓋自數年前英與法美德俄諸國天文臺約定環地球向天之各點分直天之若干度互相定准照片尺寸數年後各將所向之天照出輻輳一圖則向有未見之星皆寬見矣出此入別間勸飲香茗一杯少坐謝歸戌初抵使館

十二日丙寅晴聞由數日前至今有日本兵船或巡船經提督山村管帶駛至澳洲東南西三面之珮爾斯及阿得蘭美勒貢等處昨日行抵奚達呢海口日本水師上岸排隊街行鼓吹互奏英日之國樂以示兩國之會

盟因而人民及本地水師皆歡呼恭祝日本米喀兜之福

十三日丁卯微陰涼爽正二刻步至本街第三十二號赴前任外部侍郎卜立斯家跳舞會入內見其子女客廳本寬大適隔壁第二十號樓空待租遂由其樓上前窗右接旁樓之前窗搭以綠棚從後樓右壁拆通亦飾以綵綢羅列鮮花旁空閣亦然在內盤桓人覺軒敞然男女二十餘客反形局促左右設長卓茶酒小食兩處右空樓中雇義國樂工一班場場奏樂左右可作跳舞

兩場壁上高懸每次跳舞名牌人可預約定迨樂奏男女比比已備齊矣看至子初遂辭出步回通衢左右排列重重車輛燈光燦爛頗可觀

十四日戊辰晴涼未初日本公使林董召飲於帕瑪街之喀勒比飯店同席薩道義甘伯樂及二英人係曾在日本謀生者酒肴頗佳飯畢步至廳外玻璃棚下環坐飲加非吸捲菸暢談中刻謝歸是店在通衢南傍帕瑪街東臨柴草市地基頗大余於數年前在倫時即見其興工至客冬始開市樓房高大東南兩面開門兼住旅

客飯廳寬七丈餘深約四丈四面玻璃窓窓外滿列鮮花廳內正面奏樂其前密列大小桌椅華美整齊堂前百名廳前大玻璃棚羅列竹几椅備客閒坐棚左別一大間為賣頓飯處每頓一人七先_{拾三圓}飯廳為客點菜定菜處晚餐每人合酒計之必一鎊十先_{二兩}銀十菜極昂一盤牛尾湯二先龜甲湯五先羊肉一小塊四先小銀魚一尾五先小牛肉一塊加菟豆六先雞肉一塊七先然富家男女朝夕坐滿無隙地可與巴里飯館競勝已

十五日己巳陰雨涼西人作書往往筆法與中合然所
重名人翰蹟多以其人之名望品位者日前得兆瑪巷
索堤碧川貨行拍賣內有英君為衛拉斯王時說帖一
紙售四十鎊席身計印司本真伊爾翁輩筆跡說帖由
二三鎊或十二三鎊西人署尾僅其名之二三字而已
易以十三鎊計百餘金亦好名之過也

十六日庚午陰雨如昨申正二刻偕內人攜孫女乘車
赴得雷閣閣第三十五號赫承先家茶會見赫宮保夫
人及其子女婦與孫男女客頗多別間雇亨加里樂工

二名一拉胡琴一鼓琴式與中國之扇面琴同而稍大
橫三尺五寸縱約二尺絃橫三十二以銅絲銅條牛筋
為之其聲激烈敲以皮槌時而奔濤過峽時而幽竹吟
風少立下樓茶點畢謝歸亥正二刻復乘車赴庫爾森
街第三十二號美國萬瓦小姐家茶會客廳正面一小
臺高盈尺旁設一洋琴先一人鼓琴一人坐臺上拉大
胡琴繼一女名富樂麗者歌一曲皆平平一人名貝登
之戲法輕快敏捷可賞一手執洋紙牌一副數十頁請
臺前男女客四人任便各抽其一各自認明牌上點號

任意復插其手於牌內既以一長尺餘竹筒曰此萬里
窺心筒也窺之可知人心所嚮乃佯向前抽牌之人一
窺曰某老爺所抽某牌是否某太太所抽是某牌否均
曰是無一訛者四紙牌名報畢復將牌舉起曰此牌大
小任便牌原長二寸寬一寸半甫舉則縮半寸再舉則橫
半寸長僅一寸矣眾鼓掌稱讚復出紙三紅白藍各方
一尺遞與坐客細驗咸淨紙既請座中一男客登臺扯
碎紙揉成團到則手則變成三色小旗百杆下臺分送
諸客復上臺三整帛仍在手再斯再揉再張手

國大三色長方旗又於座客借一先并請以鉛筆作識
於錢面出紅紙一頁橫尺半縱一尺云將以之包錢而
錢小紙大請臺前一女客割而二之并請一男客上臺
親手以紙包錢包已則接去隨出火漆一支請包錢者
向紙包上三點如封信狀再交客手紙包已變為信函
火漆宛然請客拆封內仍一信函再拆亦然二函皆點
有大漆第三函則言須請銀圓主人開拆考察是否原
錢拆看則鉛筆作識之先在焉究不知其包封何以若
此之速末乃一女名黎達者學作兩人語或母女或女

與情人隨說作態頗有趣看畢主人陪入飯廳喫酒小
食後謝歸使館

十七日辛未晴午初率白厚之乘車入卜靜宮赴朝會
一切如前記未正回申正傷內人乘車赴肆良街第十
一號穆爾遜夫人家茶會屋窄人稠客廳設椅五橫臨
窓立二男子著武官衣戴面具四女作日本裝而歌英
文曲一女鼓琴他女陸續歌或說白或學口吃共二十
二場分兩截聽畢一截下樓喫茶或初旋使館未正二
刻復偕內人率茶驥赴藍侯夫婦茶會人多如前且初

回

十八日壬申陰雨涼倫敦各醫院之經費每年善男信
女代募或施捨有名倫敦醫院者詳見六因本年擴充
樓房須用鉅款乃經戴爾貝伯爵夫人定于前十三日
初八日在阿拉柏堂詳見四設跳舞會售憑票備酒食
半月前之票價每張一吉呢十二日漲至十吉呢聞初
十日已賣去四千餘張矣夜餐在堂前海岱園邊內之
海岱店中每人連酒二吉呢小食在本堂大飯廳內每
人一鎊堂中棚頂周一萬五千尺滿覆深淺紅假玫瑰

花頂至地數丈空處飾以真玫瑰假花香水噴之真花
發香通堂馥郁四面滿然電燈跳舞處別環新式電燈
三十各作樹形葉尖花心皆燈正面臺上奏樂臺前左
右上下皆飾以玫瑰紅情綠意擁風琴而不露聲出百
花中正面左右三門依票分三色不論等第俾人不亂
入綠色票入正門紅色西門藍色東門入門時將票分
交御者一半便巡捕點查位置停車地臨門有存衣所
存衣帽者亦有小憑票與入門憑票同色是晚由九
點至夜半車如流水四千餘人中用脚踏車者弱半門

外八十巡捕照料彈壓男女在內跳舞至次早且止始
罷而夜餐焉

十九日癸酉陰雨冷聞前日阿拉柏堂中跳舞會四千
餘人中半入座夜餐半入廳小食據云所用食物器數
頗鉅鮭魚一萬五千斤龍蝦一千枚羊肉片二千五百
斤山麻雀三千枚牛肝麩龜二千枚鶴鷄三千頭冷雞
片三百斤麩包片挾火腿八千分白煮雞一千二百隻
臠肉五十斤牛舌二百條地堪五百斤葡萄二百五十
斤香賓酒二千四百瓶檸檬水二千一百瓶肉團六千


斤指使堂倌二十名伺候堂倌二百名其他伺候者八十名卓上器具六萬一千件計瓷盤一萬二千玻璃杯大小八千飯單五千幅食刀一萬二千食叉一萬羹匙八千生菜乾果之數未聞申刻駐法孫慕韓星使率繙譯嚴瓊來拜

二十日甲戌陰雨冷早乘車至西敏斯得街賢俄斯民店答拜孫慕韓氏初約慕韓及嚴繙譯在使館晚酌陪者陳徵宇陳安生陳默之也中國春夏之間鄉間演劇俗謂之野臺戲聞昨在英蘭西南界柴晒府之森萊江

口地方亦演此等劇洋名歐賁埃爾義為露天臺在山谷中四面斜坡綠樹濃陰驕陽不入臺寬百尺長百五十八尺于前禮拜六日開臺往觀者男女約三千

二十一日乙亥早陰已初乘車至柴荅十字街火車棧送孫慕韓回巴里申正大雨冷聞現有義大里人卜睦者創一種電線得律風傳言與電信同時可走一線昨在義國柏婁那與費拉臘此在橫東二村之間南北相距約三十洋里安線演試尚得用乃云不日舉國皆改用此線矣

二十二日丙子早微晴午後陰申正偕內人攜孫女坐
車西行十數里登喀卜墜山入喀木別墅赴費里木夫
人家花園茶會見伊夫婦并伊女哲細繼而繞出後門
入園緣樓穿廊一行設圓卓竹椅六七分階下橫長卓
一羅列茶酒加非冰乳鮮果糖果小食類僕婢廿餘園
頗廣州如綠綺花木濃交而多由人工斲天然者男女
客甚多少至樓右四面短籬豆花之類蚶蟻其上作牆
正中有鏡架花障及亭作雀籠形中一圓池種蝴蝶梅
池外地鋪石子亭周四門亭外四面鮮花分畦每畦一

色畦式長三角形▽其意似以亭為蕊畦作蕤簇成一
花形式如看畢將轉候烏雲四起雷電交加諸客疾
走至樓大雨如注林內樂工一班亦急避入他所諸客
在樓少立坐喫酒及小食畢陸續辭去余將及使館雨
止乘車復偕內人乘車至牛賁街內向西之格拉瑟比
巷路北格拉瑟比書閣中赴那歐布世爵夫人即河木斯雷船
廠主茶會見伊夫婦及其子媳及相識之男女多客廳
堂高廣正面有臺前列鮮花四壁懸名人油畫大小百
幅當中金椅橫列行行容人一千臺之左洋琴有英男

歐蘇連歌曲法女梅算作二人語彼此各演二場時已
子正眾客齊由臺左門內下回旋梯五十級入大飯廳
正面橫長桌桌前別列多分圓桌金椅男女客之相識
者環坐一桌夜餐酒菜果品豐美并有熱湯冰乳之類
葷素涼熱聽食者之便且正回使館

二十三日丁丑微晴已正乘車至維克都里亞火車站
送別薩道義渠將乘法公司船回華也西人專于坐賈
者亦日求新奇如倫敦東南之維克都里亞園及西北
之拋球場各於林中建一自行呈遞之茶點館洋名曰

教投麻場卜費設客座無堂信小房一所白玉石臺玻
璃明窗不見一人石臺分榻一一作撲滿孔按孔號物
名與價納乳三本土者即由窗出一盤盛茶壺杯各一
牛乳一小罐白糖一碟抹奶油之麪包兩片榻旁安龍
嘴可任便取滾水此外有麪包挾火腿片櫻桃餅加非
鹼水熱牛乳檸檬汁薑茶薑酒諸味皆不外兩本土然
均須自行取置桌上用畢又須將空具自送至窗前石
槽內自有活水滌淨抹布拭乾此類茶館若夏日於花
園江岸小酌殊有趣

二十四日戊寅陰雨冷西人力破迷信而亦任有巫覡
且信之既信之即屢有預卜後事之靈驗者如西三月
間有司的達其人在斯特蘭街某飯館請晚局男女二
十皆名家顯官如葛雷公輩食畢去者八人其十二人
皆至契留而劇談中有賢陶瑪斯路第百十一號之婦
名貝池雷馬立本路第百六十六號之婦名馬克思皆
善現術者談次各出所有以自繩中有色威亞國王族
某出一平金袍金花綉工極精美其袍本正稱讚聞貝
婦忽昏迷閉目少頃開日向眾曰是袍必經御用者妾

適見宮中國王被弒王后旁跪求免許多藍衣人舉槍
凶視王先後立哭泣此非吉兆姑識之以為將來驗聞
之者皆疑信參半今色王二十七歲名阿來三德十三
歲即位二十四歲以故武官馬新之妻向克王母內侍
得拉夏為后年三十七矣娶時舉國憤怒繼王后弄權
擢其弟即瑞威為副將凡武官之稍不如意或不為之
守護者輒降革之以故兵官咸怒遂于陽曆十一日即
六月廿丑正武官四十餘闖入王宮槍弒王與后并殺后
弟與妹及他文武護衛者百餘人若此行凶而通國罕

有悲慘者是則貝婦之言驗矣

二十五日己卯陰涼兩人于三四年前新覓一種石洋名拉的額木大要由拉的埃字義以題其名拉的埃者射光也透光也因石能隔層物而發光于對面也華文可名之曰透光石然透光之理西人精通光化學者至今未解近名醫駱安敦據是石透光之力創一法能使瞽者寫而且讀乃以石作屏射光透目以助其明

二十六日庚辰陰冷如昨英國原有戒酒會因斷飲殊難近又設半戒會僅令早晚兩餐飲少許藉以衛生入會須領憑票聞二十天以來已有五千四百張憑票發送通國及南斐洲五印度倫敦公所在利貞街第七十六號入會者可往挂號云

二十七日辛巳微晴英人謂英在中國設信局于其國并無益處且枉賠局費若中國之郵政妥善無私拆諸弊英願撤其局拆信之事法俄皆有且係奉官令俄屬尤甚法詭甚而收信者不覺拆法無火漆封者以刀之窄於韭菜葉而鋒極利者由旁割之抽讀竟有用者少則手抄多則撮影事畢裝入再抹以極黏之鯨於割處紙

邊寬約一線封固紙外無痕有火漆封者看其印識能
讀者照式摹仿不識者以藥水撮影即將漆印扯碎拆
封看後或抄或撮影畢裝入黏封按原色火漆化扁依
式刻作慮未逼真又以熟器壓之令迷糊似是而非偽
為大捆熱力壓變狀亦巧矣哉

二十八日壬午晴稍暖未初陸斯義夫婦請余與內人
午酌依時乘車至維克都里亞街阿什立園第四十二
號入門坐井梯至第四層出梯屋款門入握手寒暄畢
少坐入飯廳賓主共卓十四人內有巴拉佛夫人係阿蓋公

之皮喇夫人及名優特立他弗識也酒食不豐不啻席
罷請以鉛筆題名姓于卓布繡以白線用作記念并張
榮耀四垂繡成者富貴名家已不少矣陸夫婦身皆短
而人甚溫和屋非廣廈而潔淨殊常

二十九日癸未晴爽正偕內人携紫驥乘車入卜靜宮
赴朝會子初英皇及后入座十餘老幼婦女一一覲見
丑初禮畢英皇生于西曆十一月初九日乃定于乙酉
日西六明二受人祝壽因之特多升賞加封諸侯者四
升大學士者二賞以男爵者六賞勇號者如干人太子

亦由海軍少將升副水師提督云

又五月

初一日甲申晴西人之麩包猶華人之米飯故其歲收之五穀以麥為第一聞上年歐洲所產英二千四百萬與五百二十萬義三百八十萬和二百十五萬瑞典一百九十萬比四百三十五萬日斯巴尼亞二十萬德四百三十五萬法四千三百九十一萬五千希臘五十萬亨加里一百三十萬俄六千零七十五萬魯府呢亞約四百萬共計一萬萬九千二百四十一萬五千夸爾特

一夸爾特為一夏倫之四分之一合二升

初二日乙酉大晴熱戌正藍侯請各國公使晚酌于其家慶英皇壽也共卓六十六人頭二等公使三十二餘皆本國者食畢已亥正二刻法公使先率眾舉杯祝英君壽藍侯立起舉杯答祝我

大皇帝暨各國君主之壽繼飲加非吸捲菸復轉入別間互談斯須辭出登車順路馳至帕克巷入倫敦得里樓赴倫敦得里侯夫人家茶會樓既軒豁石梯亦寬惟男女客有萬千相擠跬步難進門登梯至頭層見主人須

行一點鐘之久及登樓每間有門不知某間為下樓處
賴彼僕人指告由人叢中得路即下樓將出門依然擠
擁來者去者之車須依次來往故待車又一小時餘旋
使館已丑正

初三日丙戌晴熱由他國販至倫敦之皮貨種類頗繁
即鼠皮亦三四種如美洲西印度鼠洋名歐樸色木或
名囊鼠以其長尾或纏樹之勁枝以孫井澳洲鼠洋名
烏木巴類美洲囊鼠色皆灰小袋鼠洋名瓦拉拜大袋
鼠洋名堪夏路色皆州黃土猪之洋名巴者爾者大如

狐色灰穴居而夜游美國樹狸洋名拉庫恩香鼠洋名
莫斯水士貂鼠洋名麻爾坦銀鼠洋名額爾買因土撥
鼠洋名麻爾莫水奴烏洋名格蕾布臭鼠似鼬鼠洋名
司公克鼬鼠洋名民克松鼠洋名斯奎拉勒海狸洋名
奴漫里亞此外有黑狐紅狐家猫野猫虎豹熊貂山羊
棉羊狼兔水獺等更有僅聞其洋名而不知為何獸者
多種每冬在老城南傍太木斯江騷斯倭橋之闊當芝
山之叫貨市會集出售聞上年共有囊鼠皮九十一萬
四千零六十每張直一先小袋鼠皮一十三萬大袋鼠

皮八十澳洲鼠皮三萬九千一百六十一每張直由九
本土至三先紅狐皮一萬一千五百零二每張直二十
七先野猫皮四百二十七每張直一先半至四先家猫
皮二千九百八十三每張直四六八本土至一先不一
土猪皮五百五十八每張之直未聞虎皮十二每張三
鎊獅皮一張一鎊豹皮三百五十每張價一鎊餘未詳
入夜風

初四日丁亥晴熱而風西人皮色白於冬夏兩季面多
生黃斑據云有善消之法此斑頻生於鼻端額角掌背

夏季醫法臨睡調勻檸檬汁與清水各半滴於斑上二
三次後仍不消或致傷皮乃以柳絮膏一兩加硫醋白
鉛十滴於其上臨睡敷之次晨先洗以溫水再用玫瑰
水八兩加檸檬汁三十滴子細洗之再無効可用醫家
牛乳皮加硼砂醋一錢蒸秋花樹二兩玫瑰水二兩和
勻依法敷之必愈冬日則不易消法用乳酸四錢油質
二錢玫瑰水一錢調好以小駝毛刷或小竹籤蘸塗斑
點一二夜後或可消去

初五日戊子晴屋中著衿衣覺涼倫敦埃婁諾堤喀勒

會館義乃騰空也。立有萬國風箏會。不日將在倭爾性
地方試行。經舒額卜艾二人製造。演時德俄等國公使
派人察看。蓋各國現又以帝意于軍營中作暗號。以及
探視敵軍也。紙鳶有能使線長逾三千尺。且在空一點
鐘不落者。會館備有銀牌以作獎勵云。

初六日已丑晴風而爽。戎初携孫女乘車赴藝植園。茶
會入門。繳帖將入門。見立八出電燈一出。各盈丈。式同
寶星門內一覽。大小燈光肥紅瘦綠。散綺連珠。火樹琪
花。陸離射目。不知幾千萬盞。乃正中甬路。每隔數丈。以

竹竿支月門。高丈餘。滿繫花紙燈籠。如串珠。左右茂林
枝枝密挂。或紅或綠。玻璃燈。草地花畦。水池石下。沿邊
每尺列白玻璃燈一。樂兵四部分列林中。部各三十餘
人。斜立竹竿。懸紙燈環。其坐正面玻璃煖房。內外滿然
油燈及電燈。內別有樂兵一部。其鮮花與竹蕉棕椰類
各枝皆懸玻璃燈。房後長廊列鮮花十種。奇芬異色。多
不識者。房左飯廳中長桌。有大小銅鐘四十七。鐘各一
音。四男二女十二手。同時依調搖鐘。含霜應律。致可聽
廳外設卓。荷支小傘。再前橫設白布帳二。大者長逾五

丈小者約四丈帳中橫長卓羅列茶食酒食冰乳鮮果
各品侍者男女約百餘人男女老幼諸客往來如雲子
正還使館

初七日庚寅晴暖申初一刻偕內人率白厚之與孫女
乘車西南行十六七里至柴勒溪區赴特拉發夏爾坊
喀色蘭別墅葛蕾太太家茶會兼賽哈吧狗會遇莫蕾
夫婦及甘伯樂諸人狗共四十餘皆華產毛別短長色
分白黑草黃絳黃名皆華音仿人姓氏及哥哥兄弟姐
姐妹妹之稱葛蕾由北京帶來一對現已滋生至十六
條馬一萬者亦有大小六七條人繞園中畧一觀即在
樹下環坐喫酒小食西刻辭謝登車東行十餘里轉至
太木斯江畔入古即貝宮赴倫敦大牧師達威森夫婦
之茶會此次下車由園門步入見牧師夫婦後乃親引
至宮樓下請食左右設大長卓二左冰乳鮮果酒食右
加非茶水小食宮前石欄外林中坐樂兵一部節節奏
樂在內來往步行斯須走石階入宮由書房大廳轉至
正門乃下樓登車回館其宮樓石砌式樣既古而其中
一切陳設油畫各物樸素結實亦皆古製

初八日辛卯晴熱昨經官官募施之資已在坡滋茂斯
海口成水陸兵房一所并有教堂極為壯觀一切陳設
器具牀榻簾幔各物尚待募錢購備于是阿巴呢侯夫
人色爾楚樸教士阿林輩在利貞街北眾魂教堂旁假
奎音堂小戲園設擺賣捨物會于西七月初一二三三
日開會今日乃彼之初二日半月以前函請資助允否
聽便錢財物件均可為施余函送綉花手帕二摺篋二
荷包一對挂鏡二得復鳴謝并請擇日往觀以為榮遂
于今日未刻偕內人至會楚樸夫婦近入戲臺正面懸

山水布畫臺上陸續鼓吹步兵及水軍六七名演槍刀
或二人舞劍擊刺臺前三面以布間隔成室售善人所
施之物金銀銅鍍玻璃瓷漆綢緞鮮花果品香水菸捲
賬單篋盒各物巨細美劣不一正向臺前坐日本畫師
一人名琴香用白緞繪羽族奮筆一揮飛鳴食宿無不
逼真且設色鮮明運腕靈活是圍後又以紅布截成大
小屋間別作一圍陳列諸人所施兵房中必需之銅鏡
瓷木布粘物類牀榻被褥盆罐盤盃刀叉匙子卓椅火
爐并洋琴打球卓各物樓上正面置玻璃高櫃一內懸

公主與郡主所贈親筆美人畫兩幀。自縫紅緞白花幔
一分左右。賣茶酒小食。亦皆他人所施。男傭女傭亦為
助善觀。畢辭去。是會第一日。午正開門。申初太子妃入
內游覽。入門票人五先樓上坐觀人二先半。今日酉初
前之票價二先半。過此一先。開明日皆一先矣。
初九日壬辰晴。微暖。午後十一點二刻。偕內人攜孫女
坐車赴伊比關第六十九號那歐布夫人家茶會。登樓
見正面支一小戲臺。後懸布畫一幅。寫景幽遠。畫前木
房假樹木。蒼石几。作山莊式。臺前百餘金椅。分行橫列。

對面樂工一部十二人。分閱奏樂。坐閣子正一列。始演
一女二男。皆三百年前歐洲東南界之古裝。約在奧土
希臘一帶。一男年近四十。富甲一鄉。頭纏花綢。戴金星
翠羽闊袖。粘髦緣邊。滿綴珠寶。指貫金珠。戒指脚著花
粘阜鞋。面黃髮紫。手携錢囊。游至村舍。被青年男女各
一飲。以鄉酒。巧言如簧。詭諛取容。是人醉迷。女先得其
戒指。男子尤巧。佞俾其錢囊一空。二人之裝束。赤足著
木屐。男著灰布襖。女著白衫。以紅絛繫肩。背下垂至袴。
演訖。眾齊鼓掌。主人贈鮮花一束。以榮之。按此三人皆

法之優伶初到倫敦者其名則於游男者戴薩丹於女
郎者柯爾爵年與真者將推於幼男者實一老嫗年近
七十曰貝爾那法都名優也此一齣價六十鎊計銀不
下五百兩亦不菲矣看畢下樓夜餐酒食甚豐再上樓
乃改跳舞少坐謝歸旋館已寅初而鄰居第四十五號
樓上仍燈燭輝煌音樂鏗鏘樓下車布成行如網斯密
蓋請跳舞會也

初十日癸巳晴涼數十年來英人創一種淨水飲之益
人洋名埃當胎達倭特爾是為凉水加炭酸英人飲之

日多四十年前除人工不計其造水局僅四百零一至
本年則增至一千七百五十六十年前一年售一萬萬
五千萬瓶迨本年至五萬萬瓶通國一年共出十六萬
萬哈夫拏特酒英名也依人計之通國男女老幼一年合
每人半哈夫拏特或一大酒樽之四分之一可謂善買
矣

十一日甲午晴涼如昨現係西曆六月杪七月初正地
堪盛結草點洋名司特洛貝里是果州種續根據云一
年一棵可分生五十棵次年加倍至第三年至十二萬

五千棵後兩年當其盛茂每畝可得二三噸至第四年果少而小殘而不旺矣果之熟在英蘭自西南而東北先至倫敦者係自西南角之寬倭府最多處為東南角堪特府之奧平比與酸當二郡各將六七百畝發賣行價本國產每斤一先半或二先而西六月初旬由法國運來二百噸分赴各城每斤價僅三本士所以然者其果既小味亦不純也

十二日乙未晴自前四月初間英君由義至法後法總統盧貝即擬擇日答拜乃于今日來英已正一刻英君

弟寬諾公與法國駐英公使參隨同乘火車赴都伍海口迎之分列兵輪鑊甲兩行各長二洋里半由海岸至城中懸花結彩遍挂英法國旗長逾四洋里午正法總統駕圭琛兵輪及護送之敵水雷各船駛進都伍英之什爾迺斯等小敵水雷船分排左右迎入海口進口時各兵船聲礮二十一兵皆列隊高聲歡祝各船樂兵齊奏法國馬賽蕾斯軍樂慶賀之速圭琛船傍岸敵向英旗聲礮二十一即時岸上礮臺亦聲礮二十一答謝之未初一刻總統登岸會寬諾公等未正二刻登車即開

車亦特備車內裝潢式同御車車頭新畫英法二國國
旗交挾十字以示和睦申止三分太子由瑪柏樓府馳
赴維克都里亞火車棧迎候申止七分英皇由卜靜宮
駛往申止十五分總統車到彼處亦懸花結彩修飾華
美整潔下車總統與英皇太子握手互叙寒暄其隨總
統來者文武官外有法外部大臣戴喀賽彼此引見畢
英皇率太子及寬諾公陪乘宮車四輛走格婁伍諾坊
在喀的里街賢翟木斯街入賢翟木斯宮之尤爾克宮
從數日前此三大街左右距數武各立一紅油杆高約
二丈屆時橫繩繫小旗花朵沿途各樓亦懸花結彩并
插英法國旗他大街小巷凡于三日內總統必經之路
皆一如國君加冕時自車棧至老宮地鋪黃沙左右排
兵舉槍對立車棧前又立紅衣護衛烏衣胡薩等兵數
百鼓吹迎迓英皇著兵馬大帥紅服太子著頭等水師
提督藍服法總統入宮少息于酉初乘車入卜靜宮拜
英皇與后繼入瑪柏樓府拜太子與妃末至克拉蘭府
拜寬諾公與公夫人酉初二刻在阿拉柏門法使館令
法高會長等謁見戌正一刻總統率隨來文武各員入

卜靜宮赴讌。入夜沿街各處懸燈，亦與國君加冕同鎮。日各處馬步巡捕彈壓，男女如蟻，每見總統經過，無不齊聲歡呼。凡法人所設鋪店，懸挂燈綵，尤華美。城西一帶，多法民僑居，因而放工，男女出街游覽，庇喀的里街法人頗眾，因英接待法國民主故，巡捕當街多阻，阻英民往來，而優待法人，出入于是。凡男女之欲過街而能操法語，或自言係法人者，無不寬讓之。非法人而冒充得過者，夥矣。入夜各茶園酒肆，法人男女之歡飲歌舞者至多。

十三日丙申晴辰正二刻，法總統至沙浮斯百里大街。看法國醫院已初二刻，由彼至蘭喀斯特，該得街拜法國女學教師已正一刻，回宮午初二刻，接見各國公使。屆時余著官服乘車往登樓，同眾頭二三等公使立成一圈，少間盧貝從內閣出，法使館參贊前引，一一指告某國公使，總統皆與之握手問候，見畢轉入眾亦下樓。散去午正一刻，總統由宮乘車赴倫敦極樂堂午酌，乃美爾請也。走帕麻街，倭特路利貞街，至教斯佛十字路，有霍勒貢馬立本兩區，美爾向南搭一小臺，挂旗懸花。

總統過時在臺向之朗誦陳詞以表歡心接待由此再
走教斯佛街豪樂班街牛蓋街及克英街午正三刻入
極樂堂堂中一切裝潢無須瑣述人計一千二百大卓
列作口字形正面上坐者為美爾夫婦法總統英太子
太子妃寬諾公與夫人克里堅王與妃各國頭等公使
再則英法文武從官食畢互相舉酒祝頌一番後美爾
立陳數語總統亦立宣一段大要謂一謝美爾夫婦再
謝通城男女之優待申初一刻總統出極樂堂走奎音
巷維克都里亞君主街維克都里亞堤馬兵護衛街并
馬步護衛校場入宮少息後拜克里堅王與妃綠衣妃
公主及洛安侯等又至堪興坦宮拜巴坦布王妃公主
碧阿帝妃及格婁賽斯得爾宮拜王叔堪卜立地公成
初法總統在法使署請英皇晚膳飯堂新建裝潢極華
麗卓作口字形賓主計七十英皇與總統外為太子各
國頭等公使及法外部大臣等其坐法盧貝居中英皇
坐其右太子坐其左兩首為法外部大臣及其頭等公
使盤碟叉匙皆金銀者菜數色不外雞魚冰乳鮮果之
屬食間奏天保國王樂禮也食畢舉酒互祝亥初三刻

英皇請總統在教佩喇戲園觀劇陪往者除英法兩國
文武大員外亦祇各國頭等公使而已今日凡國君與
盧貝所經之街衢閣巷皆地鋪黃沙土左右排兵懸花
結綵入夜滿然電燈男女往來立無隙地車輛馳驅隆
隆若雷

十四日丁酉晴巳初盧貝乘車遊文忠宮經阿蓋公導
觀各處午初回法使館早餐申刻英皇在阿得朔校場
請盧貝閱兵并東請各國公使備有專車地在倫敦西
南距城二十七洋里未正三刻英皇與后率太子太子

妃等陪盧貝由維克都里亞車棧往未正一刻余偕內
人率白厚之同他國公使參隨夫婦子女由倭特路車
棧往車行頗快申初六分抵阿得朔村備有雙馬敬車
多輛對坐可容八人隨車皆有跟役即時登車穿林過
橋河水清澈花木叢茂心為之爽行七八里至校場平
地長方形周廿餘里前三面樹林陰翳樓房點綴馬步
兵排立對面三里外作橢圓形是面中央木亭一彩飾
華美亭後一白布帳房前豎一大旗一面英一面法二
旗合一示兩國合心邦交孔厚亭前左鄰相距箭地立

一半紅半白小旗為兵官過時行禮處各國公使至皆
在亭左稅車橫排一行車前設列木椅或坐車上或坐
木椅各處皆有兵弁彈壓照料且有絨繩限人觀者不
得混雜亭左右與後男女觀者數千英法新聞紙局使
十數人法之虛素在焉詳大或執紙筆或執照象鏡隨
時寫照無暇晷皆立眾公使之左中隔一繩少待忽前
面軍中聲礮十二英君諸人已抵車棧矣申初二刻英
皇率太子與寬諾公并他二三大員乘馬先行皇后太
子妃與盧貝乘車在後自右邊行至亭前即時對面兵

隊鼓吹奏法樂亦禮也君率以過亭左緩行轉自軍隊
之右首隨行閱看至其左首再行回轉亭前下馬下車
齊坐亭上繼自軍隊右首之兵沿場邊向亭左緩步繞
來先過紅衣馬隊樂兵一班至亭前立對面一箭之地
外隊伍隨過隨鼓吹奏法之兵樂以榮之每到亭左所
豎紅白小旗處兵官喊號其執刀者立起刀尖向上先
向右直伸再轉至左肩撤回對鼻一立而後下垂刀尖
向地以為禮第一過馬軍礮隊護衛胡薩馬隊鑿鑿先
鋒再過礮營三隊隨營便用扁舟活橋六車隨營電線

十車乘馬步軍一營紅十字醫病軍一隊隨有紅十字
白布棚大車四輛雙馬拉大琵琶桶一個後過烏衣馬
兵礮隊一營馬隊過畢其樂兵一班即移隨於後而去
繼而數營步隊之樂兵共二百餘齊前立于馬隊樂兵
原立之處按班分奏後則步隊陸續經過亦由左而右
末又馬隊一營飛馳而過統計共過武官六百九十八
員兵一萬五千三百三名馬三千六百四十五匹礮一
百二十門一切鮮明整齊槍刀閃爍人皆驍勇馬皆烏
騮其彈壓各處者武巡捕官一員兵一百一十六馬兵

五十一馬隊武官二十三兵五百四十二馬二百九十
礮隊武官二員兵四百七十六前鋒營官一員兵一百
五十步營官十六員兵六百八十九名又馬步兵亦有
太子與寬諾公帶領者亦各著戎服隨隊前引至小旗
前舉刀行禮與他員同過畢時已酉正一刻英君等下
亭入布帳小食後登車馳去余等及各國公使男女亦
皆登車經馬隊武官引行四里許至一鄉村樂堂外黏
白帟一條上書專備各國公使木房無樓亦頗宏敞淨
潔四面花木分畦甚覺幽雅入內立飲加非食糕點後

登馬車再行約四里至火車棧戌初登車即開行三刻
五分到倭特路火車棧換坐馬車回使館酉正三刻藍
侯夫婦請法總統在渠家晚酌陪客為各國頭等公使
夫婦及英法文武大員共八十橫一長卓華麗豐饒
與前同亥正二刻在下靜宮中設跳舞會屆時余偕內
人乘車進宮入座待至子初盧貝扶君后君扶太子妃
并太子寬諾公堪卜立址公等夫婦及他王公郡主夫
人依序入而登臺盧正中坐后右君左以人男女坐
于後堂中人數約二千對面樓上樂工奏天保國王繼
則節節奏樂共跳五場第一第四兩場為夏達立其他
三場為瓦勒自第一場四面男女三十二中所識者為
英皇皇后太子太子妃寬諾公夫婦皇叔堪卜立址公
夫婦及他國頭等公使夫婦六七十人餘未識丑初跳畢
樂奏天保國王齊入飯堂茶酒小食食畢有仍入大堂
跳舞者有即去者余偕內人下樓登車丑正二刻回使
館

十五日戌戌晴辰正十五分法總統盧貝由賢翟木斯
宮啟程至維克都里亞火車棧登車即開赴夏蕾海口

駕船回國英廷派官護送盧貝者法南省芒台里瑪城
人年六十三母年近九十依然鄉居艸舍牧養牛羊雞
鴨畜蠶繅絲以自娛英法鄰邦中隔一水雖各懷虎視
之心而勢力相敵因之不念舊仇以時事為要唇齒相
依不似他國之縱橫自任也兩國之主往來雖出本心
實由民使蓋英君子未即位前數十年間寄跡於官民
之中洞悉一切故此去彼來人民歡迓異常也

十六日巳亥晴熱倫敦製造車輻會定於今日戌刻借
地在線針閱成衣行會館設宴恭請倫敦新舊美爾及
他文武世爵紳商共人一百三十半月前具柬來請屆
時余乘車至入見其首領伊臘木等其樓極古蓋此兩
會皆開於數百年前也飯廳亦高大長桌作川形首領
坐于正面中央余坐其右現任美爾坐其左對面樓上
奏樂卓上滿列粉色玫瑰芬芳觸鼻酒既清肴既馨食
畢首領率眾舉酒先祝國君之福樂奏天保國王少坐
再祝君后太子太子妃及他王族之福樂奏天佑君后
繼而彼此互祝祝通國水陸兵卒祝上下議院祝美爾
祝局外各客客祝本會首領等本會又祝成衣會中各

人此後奉各人菸捲一匣請眾吸烟移時多人演說另有五男一女女名卜爾歲男名貝西適立初四卜魯克柯阿拍每一人演說後則一男或女歌一曲以間之至子初一刻演說歌唱畢齊入地間各飲加非一杯謝辭去此又至道甯巷第十一號赴戶部大臣李齊夫人家茶會男女擁擠極多在上見畢主人即轉入旁閣下樓登車旋使館

十七日庚子晴頗熱聞前日自辰初在維克都里亞火車棧一切妥備懸花結彩馬步兵隊排列男女如雲辰正十分英皇著兵馬大帥戎服至既盧貝亦至樂兵特奏法兵樂以接待之彼此握手對敘寒暄繼盧貝向英皇太子公侯等握手謝別登車即開駐英法公使陪送已正抵都伍海口登陸兵輪駛回夏蕾隨行有英國敵水雷船薩拉曼護送當法總統到都伍未上船先發電致謝英皇云將離英土先電數言以舒感謝陛下并王室諸公諸夫人優待之誠心并謝貴國與法相合視法為友云云英皇即電答云適奉來電深動我心知尊駕辱臨敝邑中意歡悅幸甚樂甚予誠願我兩國續加

和好得用永存

十八日辛丑晴入夜雨中國少婦有娠禁忌頗多期至六月即不出門其貧苦不得已出門者設產于他處則謂與所產之處為不祥產婦亦屬無恥且恐婦或受寒有性命憂蓋中國婦女不恆於土地步行僻多弱也乃聞印度會場之埃及村內一少婦名伊拉新者遨遊之際忽產一女且以君后之名阿來三德亞名之以為榮母乃此亦尊其君后之意歟

十九日壬寅天晴而爽申止二刻余偕內人率孫女乘

車西南行八九里至柴斯特爾坊第七號赴外部總辦辛智夫婦家茶會地為三面樓房中一小花園辛智用之樹下羅木椅數十正南坐三義大里人二女一男皆鄉裝男則紅褲白衫黑背心女皆紅襪短裙白汗衫頭挽小髻插以金簪花朵若許二人彈琵琶一女手敲八角鼓隨歌而舞少坐出園入其樓居飯廳各飲加非一盃而回

二十日癸卯晴英人產業或莊田或獵田獵田大幅山林湖水蓄養魚鹿山雞野貓之屬以供春秋之用現夏

末秋初多往漁獵更有戚友互請前往畝連多日者據
云田主每季可獲五六百鎊合銀不下五千田頃隨時
修理魚鹿漸闕則買種以孳之山雞少亦買卵使家禽
祝之待能自飲啄放入山林糞種類蕃衍以供眾需
二十一日甲辰晴按者爾希夫人于本年計請茶會者
四五月二十五日本月初三初十及今日也客均樂依
次與會亦有僅赴一兩次余因天熱事繁於今日始一
赴中初偕內人帶紫驥與孫女乘車至教斯特爾里園
登樓見者夫婦後即請坐用茶及小食路遙故也食畢

出後門下石階小步樹林花畦間片刻繼與男女客坐
談者公之女者美嬌忽至乃以手帕疊人物與孫女看
復剪紙作卓椅人馬各物主客嬉戲洽甚酉初步回高
樓再飲香賓一杯出樓登車戌初回使館

二十二日乙巳陰細雨陣陣頗涼時也地堪熟佐酒必
以之鮮果盛以小盤久而味淡欲使其味鮮而悅口遂
擇標小果多者植諸彩盆盆如客數隨飲自摘味既濃
且知其確非來自法國者又一法取一琵琶酒桶周圍
鑽孔每孔周約三寸桶滿盛土按孔嵌一棵桶箍四圈

上下二箱各鑽六孔中二箱較寬可鑽八孔上下錯置
枝葉叢生桶蓋四圍亦可鑽嵌六棵是果可由六月結
至冬月紅綠纍纍可觀鄉間之摘是果多婦女一斗工
價二三四本士不一肥土植得法者一棵可得實二斤
是一桶雖云玩物亦可得四十餘斤也

二十三日丙午晴英人前爭南斐洲馬匹之運往者率
皆轟斃熱死僅丁字第三十六號一匹載回昨經君后
賜以寶星慶其長生每次操馬繫寶星隨樂兵前引以
為榮人固以馬為榮矣然馬非應得寶星者也鶴乘軒

國人皆曰使鶴英君后惡乎知之

二十四日丁未寅初大雨雷午初微晴申刻復雷雨交
加一陣仍陰西人多以創造新物新法使人有益或省
工致富者聞有美人費樂爾因犯夜竊之罪收監非重
罪監內來往不禁乃于監牢成衣鋪中創一法能使機
器縫物針線往來無異人工洋名卜賴因洛克司的池
義乃暗鎖縫也值限滿出監遂將此法賣與英國一萬
五千鎊領有執照禁止他國之人仿造

二十五日戊申陰聞有英蘭團屯地方之老嫗馬爾樂

者現年九十三仍于每禮拜日入義學肄業數日前謹
奉君后一自做之茶壺暖照昨經君后命嬪好諾麗黛
代書答謝云奉皇后諭致謝所呈之暖照按未經晤面
之人呈進之物例不應收受然以馬氏之上壽餽送之
誠心姑破格存留今并回賜國君加冕之茶杯及碟一
分用作記念示不忘盛典云云

二十六日己酉陰涼如昨英君與后定于今日啟程往
幸愛爾蘭午正由本使館經過坐四馬敬車赴尤斯敦
火車棧屆時沿街左右排立男女老幼各家亦開窓眺

望巡捕立各道口止車輛往來先過二乘馬巡捕末則
又二巡捕並行前引耳二護衛執槍後為國君親兵一
隊皆紅衣者遇時男女齊聲歡呼賀來賀來者英
言喜聲也未初車開西北行三百三十英里酉正一刻
抵霍里極海口即上兵輪國君在上筵宴隨從各員及
船主等

二十七日庚戌晴微暖西人先財物而後倫常親族戚
友既新及錙銖而夫妻父子亦如之故諸事必彼此先
將財物交清始論戚友人情曾叔吾之岳母素以教讀

搭纍為業其叔之得娶隨員聯瑞亭治于今春到伊家

習英話每禮拜學費若干西國不誨師生而以教讀為生涯故不日束脩定例

學生欲辭而去者必于七日前豫告俾得於此六日間

別招他人補其學額瑞亭因晚告一日仍堅索一禮拜

學費此其待所疏者如旅客猶之可也曾叔吾之長子

於彼為至戚肆業其家搭纍住小屋一間陳設器四皆

自備者每月錢若干前日忽令其移住下層大間聞之

喜甚迨移下時每月多索一鎊殊出意外遂謂移下非

其本願實老太婆之言也太婆無法復令遷回蓋西俗

子稱繼母曰某太太繼母視前生之子亦等之友朋鄰

居矣至繼母之母之視前生外孫更不必言矣故此次

曾少君雖稱繼母曰媽媽稱繼母之母曰外婆亦是枉

然

二十八日辛亥情微風涼聞英皇所駕之維克都里亞

阿拉柏兵輪於昨早卯初展輪已初抵愛爾蘭東界之

慶斯塘海口午初登岸官民迎迓一切禮節無須繁述

惟地方官有祝詞數語國君答云謝爾忠言同以誠心

歡迎皇后與朕既懷念前者未即位之來游更不忘今

日加冕後之再幸。敘及先母老君主之末年到此。使朕不勝有感。羅馬教皇病篤為日已久。不意今日駕崩。竟使民心浩歎。而朕心更有所感。因前至羅馬。頗蒙教皇優待。且以仁心視我英民。無論如何。惟望今後景象昇平。人民厚福。永獲利益。子孫連綿云云。所以敘及教皇也。教言畢。乘馬車入都會。德布林在衛斯雷夏。屬兩少息。復乘車馳赴德布林行宮。入帕特里克堂。設朝會。文武千餘。申刺始畢。繼而君后親赴阿來三德亞女學院。獎賞列入超等諸生。未入門。男女千百高聲歡呼。既入

門。眾女生復齊歌曰。天保國王與后。恭祝長生萬壽。今朝幸臨此島。歡迓人民老幼。我后含笑兮。慈顏福厚。萬民同心兮。我后天佑。我本王民。我名王授。公主同來。美容俊秀。天保我后。兮虔心同奏。又是日通城禁止出殯。是又見吾人謂。西人不以喪事為不祥。等說亦謬矣。至今日。英君與后係往賞喜百年。武備學堂及在佛佑呢。園中閱兵。晚與寬諾公等共餐于吉美汗醫院。一切無甚奇異。故不述。

二十九日壬子。鎮日陰晴。細雨不定。入夜大雨。聞數日

前有某婦攜其七個月之女孩并女僕坐火車赴某處中途誤將解扣小針墜狹噪急延該地醫生二三抽取不得遂雇專車一輛馳回倫敦計程四百英里車價二百鎊都門醫院乃于二分之一工即行取出云又瓦爾達夫婦生子六歲因屢次據髮棍打昨經鄰居執棍報官瓦爾達供云所以竭力管束者冀其成人而備國家使用官謂人家生子女者多矣未聞有如是教養者因而判定瓦爾達收監四個月做苦工其妻收監一個月或罰二鎊以警將來

六月

初一日癸卯晴西國間有由請茶會而聚賭者法為尤甚向以桌上打砌擲球等為賭具今復改興桌上賽汽車為玩物且輸贏為數頗鉅更須玩賭人心目之力並用其具係木卓作長方形卓面分三大道號以一二三各分三節另號由一至九當中者通左右者各一首臨卓邊式作田形一首為開車處一首為得彩處談處立一小木房稱為察斷官站立所房左立一木人為察斷官沿道處處雜立木雕之小人巡捕雞犬猪羊及小樹

等若許，開車處橫排古米小汽車九輛，各車顏色不同，號碼由一至九，亦各不同。賭者九人，正面高處另坐二人監視，隨時以筆記錄之。將賭時，各人先置若干方於一盤內，為彩頭。然九車一排，當中五輛馳驅不易躲閃，沿道所立之雜物，如雞牛等，而左右四輛走之較便。故凡作四車主人者，又須較他五車之主人多出百分之二五。玩者各執一竹簽，長約五寸，用以隨時隨地撥弄已車，以便躲避沿途所立之物。按其賭規，乃監視之人呼曰走，則九車轉機齊開，隨行有碰倒段道號碼者，視距得彩處之遠近，遠者少，近者多。罰項亦由一路義至九路義。法金錢名不等。碰倒一雞或樹，臨近立有一男或女者，罰一方。附近無人，則不罰。猪犬皆二方。牛則三方。臨近立無人，亦皆不罰。撞倒木人，罰四方。巡捕罰五方。誤撥他人之車，罰十方。歸被撥車之主人，兩車對撞，則齊革除，并各罰十方。其車之業經馳進彩場，而誤碰倒木房，罰五十方。若碰倒察斷官，反受賀，由他八人各奉十方。人房齊倒，則無賀，亦無罰。以上各罰項，皆隨時擲入盤中監視者一一記載完時，共計若干，以付勝者場中。

禁止請主入份以防私弊云

初二日甲寅晴聞英于前早巳初乘火車東北行百餘洋里申初抵牛頭那城地在愛爾蘭北界近海當君與后未出宮時佛佑呢囿幼童雛女一萬八千分立路兩旁六千名係由學館傳來衣履整齊餘一萬二千皆來自窮僻閭巷衣之整潔禮未一律在國君與后必皆一律視之宮車過時馬隊前引後護樂工齊奏天保國王眾童高聲歡祝喉笑啞國君與后皆向之含笑點首車行抵北路火車棧有男女孩二赤足敝衣同奉君后鮮花

一束乃菊蓮與酷醬草

洋名沙木洛為愛邦之表記

各少許捆以藍

絲英國旗之藍色主愛爾蘭故用此花此絲意指此花係由愛人所奉也

君后笑而納之

君與后到牛頭那時經倫敦得里侯

即前又五月初二日請茶會者備

車迎至莽斯甲別墅乃倫侯之本籍住所也又昨日英

君諭令隨行武官文達穆代書致鎮守愛爾蘭大提督

杜達理公云今奉君諭謂將離此城請貴公爵轉告德

城眾民以國君與后住留多日深感眾民忠心戀慕之

情每日所遇自當永懷不忘各人聰敏勤奮必賴上天

同賜以福而護佑云云英皇并賞通城苦民千鎊以劑

之

初三日乙卯晴西人奇才異能及新創得用之物咸欲
與人賽而得彩以為榮雖耗鉅款不顧也聞現公擬在
愛爾蘭之都會開賽汽車曰耶敦貝會其汽機敦貝所
創也各車行往賽者人工器具材料皆須運往所費不
貲大凡所備專用之汽車值二千五百鎊由倫敦運至
德布林往返車船費十七鎊十四先又備操練汽車一
輛亦需十七鎊十四先在彼試演多次約費二十五鎊
牛什賽場公費五十鎊會中應用之新衣各事八十鎊

備用額外之管筒十二鎊試練八天之工藝費二十八
鎊共計二千七百三十鎊零八先每人車船路費除每
日廬所飲食諸費不在內亦須一百二十鎊此外仍有
許多散費不能預計也以上所計之費係指主人之自
行駛車者若別雇他人工價亦當不菲會規輸者當贈
贏者駛車之人汽車一輛以嘉其能否則贈三四千鎊
亦可贏者車主亦須贈其駛車之人百鎊贏者固有餘
而輸者乃真不足矣且各車至少須用五十人自立一
廠存儲器具材料備隨時修補并日用之石油滑油淨

水等物若許各做立其本行旗幟所雇之數十人專備
賽時灌油傾水各知所司不得錯亂遲延是廠所費亦
須四千鎊云

初四日丙辰陰西國每設一會如賽馬賽船其地則聚
人並集錢錢隨人往土民獲利甚厚汽車賽會如之前
已述及然亦有有汽車而不賽者亦携車至聞此次男
女之赴德布林約二千人在彼勾留四五日者約一千
其餘或十一二日蓋會畢尚有爬山跑園各會雖非賭
賽亦各逞其能所費在四五萬鎊之間又有專看會者

千餘人住無多日所費僅各人十鎊統計及萬餘鎊本
國及他國新聞紙局人三四百每人費約十五六鎊計
共亦五六千鎊以故彼處大小賈人少有不獲利者各
國多願有賽會用以裕民職此之由西國汽車始自西
曆一千八百九十四年即光緒二十年其時僅一點鐘行十二
洋里馬力四繼而逐年加增至今則一點鐘行六十五
洋里馬力已達九十矣

初五日丁巳陰細雨陣陣羅馬教皇李尤第十三前于
二十七日酉六明二去世年九十四義都今日嗒經送

葬倫敦天主教大主教洋稱阿赤比朔教衛斯敏斯得
亦于今日午初在布朗比路之教拉托里教堂中誦經
行彌撒禮此禮惟天主教堂行之不惟因被殯雖每
禮拜日早亦以水洒香薰十字架以祝禱之
并東請各國公使及皇叔堪卜立比公輩聽經弔唁余
率白厚之素服乘車至見北鄙臺上正面橫石桌中供
十字左右然長三尺者白燭六臺前階下以木闌作方
圍中心方木臺一高盈尺罩以青呢臺上以木凳支虛
樞被以紫絨金十字罩高約八尺首向北上加一淺綠
色皇冕橫三銀箱形似罐徑尺餘遙望如瓦臺上四角

立四高燭連燭奴高逾九尺臺下闌內四角置四方木
鑿罩以黑毡鑿後各立高燭一連燭奴高逾丈由堂門
至方圍前中闌直路左右橫設層層長凳容人一千方
圍左右逐層列木椅亦容人數百皇叔及各國頭等公
使坐圍右第一排二等公使坐圍左第一排凡帶妻女
者皆坐第二三排先是樓上鼓琴一陣繼由臺右門內
來沙彌百名按對登臺分立左右八十名前五各著黑
衫白短鞋後立四十于短白鞋上罩或紅或紫三角背
心各二十石卓前偏左置一椅大主教至戴辰子形白

緞冠高盈尺身著白衫外披紫綢氅背後金縷寬寸許
作回形後隨三弟子各著黑衫披紫氅金縷作用形者
二作用形者一沙彌及弟子皆戴絨頂黑方巾又方圍
外向經臺立紅衫黑鞋者六不知何司大主教登臺後
坐椅上樓上鼓琴歌詩主教誦經相問主教忽立忽跪
忽免冠忽濯手沙彌各秉燭一長約二尺忽然忽熄意
其皆為祝教皇昇天也通堂燭皆深黃色亦不知與白
燭有何分別也復自旁門先來三教徒一舉金十字二
各秉一燭排立於方圍南正中既四副主教洋稱比類

者來分坐四角木臺上皆戴絨頂黑方巾著白衫披紫
綢氅金縷作口形者三而披紫絨氅金縷口形內加花
字者一不知何品級何以區別也坐後由經臺上來二
沙彌一提香鑪一捧聖水瓶二弟子一舉經本一指引
一切用請四副主教行彌撒禮大主教同時下臺於靈
後坐由右而左各副主教依次行之末則大主教行之
行畢主教等按對退入旁門繼而皇叔先行各國頭二
等公使次之其他男女則又次之出門登車時己未正
考其行禮一弟子先雙手舉經至主教前主教乃讀曰

嗚呼哀哉終年矣讀畢一沙彌奉上水匙主教舉匙向
靈左靈右各揮洒三次又誦經一節別一沙彌奉遞提
鑪主教又接向靈之左右揮薰之揮數與水同此主教
由他主教前經過乃向之一鞠躬他主教亦為之免冠
答禮由金十字前過主教亦一鞠躬而弟子沙彌則行
跪禮焉

初六日戊午陰雨陣陣涼京中小路亦有師徒倫敦亦
然係誘幼童教以剪偷各法其師隨地以變戲法為名
或演他技引人觀之趁其專視得以竊取昨在克堪衛

地方師徒二人被捉師名畢池義徒年十三名馬克斯
官判畢池義五年監作苦工馬克斯送入改革學堂或
謂此類人之授受所在本使館之北尤斯敦街一帶甚
多其鄰因無確據不能告官

初七日己未陰冷英都招帖各紙禁貼牆壁店鋪之大
者或登新報或雇用肩負木片之人詳覲四其小鋪印
小帖使鋪夥或雇貧孩沿街逢人遞給行人或接與否
接閱畢旋棄之頗有五彩紙帖飄于街市昨經新舊二
城地方官新定禁例不准棄招帖及各字片於途必須

袖回廬所或別房內擲於紙筐

初八日庚申陰申初曾叔吾之妻柏氏坐日本國船回華西人以膽干名譽用較弱強雖其國君亦復爾爾如義王與后乘汽車意在急驅誤觸樹根王后受傷計各國火車平日每一點鐘皆行二三十洋里而英皇令一點鐘行五十洋里其老君主維克都里亞三十五洋里德皇六十洋里至英太子衛拉斯王竟欲一點鐘行八十二洋里

初九日辛酉陰英俗凡創排新戲第一日出臺則園主或班頭東請貴客往觀以為榮伶人喀特來新排一齣名埃木里幼女今日戌正在司特蘭街阿代勒戲園初演已經艾拉木太太代函請觀備有包箱屆時余偕內人帶紫驥與孫女乘車至園容人千餘戲分四節其文為船戶貝高第之姪女埃木里原允配水手哈木後被統袴少年司悌佛拐去携游法比司悌佛始戀其美既憎其貧終則棄之倫敦馬爾薩小店中自貝高第失埃木里急至巴里諸處追尋未獲後至倫敦訪得仍嫁哈木嗣駛船他往遇風雷電交作波濤怒捲水聲澎湃

候見一船撞石，貝欲拯之，哈木力阻而自往。貝及女隔窗望外，見哈木之頂，持滅時露，致貝眾忽跪泣，忽驚喜救來一人，昇以布兜審之，則誘埃木里之司梯佛也。觸石創重，氣息僅屬，繼述數語而斃，遂拋海中，葬諸魚腹。泰西不談報應，司梯佛觸險，恰被哈木援出而死，豈非天乎？通場說白不唱，每節男女客盡鳴掌以讚演將畢，喀特來得戚友賀電百餘，蓋喀既屬班頭，又扮貝高第，眾賀其有成，今後可日日出演也。戲散後，埃拉木夫婦請在喀爾沁大飯館夜餐，僅余一人往食，畢謝歸。

初十日壬戌，鎮日陰晴不定，入夜驟雨一陣，德國西南界威坦堡省之堪斯達村，有莫爾賽製造汽車廠，廠大而工精，可為泰西巨擘。前于五月十五日初六日丑正，火房雖高廣，乃十年前之賽會場，諸凡鍊木工料廠，而且存煤油若干，一經火起，概成灰燼。水會至人不勝火，惟竭力保護，廠外各房，然仍有救保不及，或全焚，或糜爛強半者，計八所。迨寅初，各箱煤油轟裂，一條火龍擎空，聲震如雷，計焚毀汽車百輛，竣工者三十輛，未成者六十餘輛，合金鏢一十二萬五千，內有他人定做，擬在

賽場奪金盃彩者聞其馳前爭勝者得此贈直二千五百鎊不僅此
 也一切木式紙圖亦皆灰去轉瞬間大工停止而四百
 五十匠役亦皆倏爾游閒矣外國製造局無不高闊所
 用不外機器火鑪故其牆門樓梯樓板多用融鍊而成
 防祝融也



卷七終



